

ԳԱԼԴ ԲԱՐԻՄ, 2017

ՇՆՈՐՀԱՎՈՐ ՆՈՐ ՏԱՐԻ ԵՎ ՍՈՒՐԲ ԾՆՈՒՆԴ

ՎՐԱՍՏԱՆ

«ՑՐԱՆԺԱՆԸ» (ՆԱԺԱՐԹՅՈՒՆ) ԹԵՐԹԸ ԼՈՒՅՍ Է ՏԵՍՆՈՒՄ 1920 Թ. ԴԵԿՏԵՄԲԵՐԻՑ № 1 - 2 (16498) ԿԻՐԱԿԻ, 1 ՀՈՒՆՎԱՐԻ 2017 Թ. ԳԻՆԸ՝ 40 ԹԵԹՐԻ

«Վրաստան» թերթի խմբագիր Վան Բայրուրյանին



Պարոն Վան, հանձինս Ձեզ ողջունում ու շնորհավորում եմ Նոր տարվա եւ Սուրբ Ծննդի առթիվ վստահելի քայլերով իր հարյուրամյա իրենցյանին մոտեցող «Վրաստան» թերթի խմբագրության աշխատակիցներին ու թերթի բոլոր-բոլոր ընթերցողներին: Հենց ձեր աշխատանքի շնորհիվ է, որ Վրաստանի հայազգի քաղաքացիները լիարժեք տեղեկատվություն են ստանում երկրի անցուդարձի մասին: Ձեր ջանքերով է մեծապես պայմանավորված նաեւ Վրաստանի հայազգի քաղաքացիների վրաց հասարակայնությանն ինտեգրման գործընթացի նորմալ ընթացքը, նրանց ակտիվ մասնակցությունը այսօրվա ազատ, ժողովրդավարական Վրաստանի շինարարության գործում:

Դիմելով ձեզ՝ ցանկանում եմ թերթի բազմաազգար ընթերցողներին ի սրտե շնորհավորել Նոր տարվա ու Սուրբ Ծննդյան տոնի առթիվ, ամենայն բարիք ու հաջողություն ձեզ ու ձեր ընտանիքներին:

ԳԻՐՈՐԳԻ ԿՎԻՐԻԿԱՇՎԻԼԻ
Վրաստանի վարչապետ

ԳԻՐՈՐԳԻ ԿՎԻՐԻԿԱՇՎԻԼԻ. «ԱՐԱԳ ԶԱՐԳԱՑՄԱՆ ԾՐԱԳՐԻ ՀԻՄՆԱԿԱՆ ԲԱԺՆԻ ԻՐԱՎԱՆԱՑՈՒՄԸ ԿՍԿՍԵՆՔ 2017 ԹՎԱԿԱՆԻՑ

Դեկտեմբերի 29-ին, Վրաստանի վարչապետ Գիորգի Կվիրիկաշվիլու նախագահությամբ, անցկացվեց երկրի կառավարության 2016 թվականի եզրափակիչ նիստը:

Նիստում վարչապետը հանրագումարեց անցած տարվա արդյունքները: Ինչպես նշեց Գիորգի Կվիրիկաշվիլին, 2017 թվականը դառնալու է վճռական, բեկունային տարի:

- 2016 թվականին ուժի մեջ մտավ եւ լրիվությամբ սկսեց գործել Եվրամիության հետ Ասոցիացման համաձայնագիրը: Նշանակալի աշխատանքներ իրականացրինք այցեգրերի ազատականացման ուղղությամբ: Մոտ օրերս սպասում ենք, որ կավարտվեն անհրաժեշտ ընթացակարգերը եւ Վրաստանի քաղաքացիներին կտրվի առանց այցեգրերի Եվրամիության տարածք մուտք գործելու հնարավորություն: 2016 թվականին ընդլայնվեց նաեւ Վրաստան-ՆԱՏՕ համագործակցության փաթեթը:

Անդրադառնալով կառավարության կողմից առաջադրված չորս կետից բաղկացած տնտեսական ծրագրին, վարչապետը նշեց, որ այդ ծրագրով նախատեսված հիմնական միջոցառումները կիրականացվեն 2017 թվականին:

- Այսօր մեր քաղաքացիները բարգավաճ չեն ապ-



րում, եւ մենք լրիվությամբ ընկալում ենք նրանց վիճակը: Սակայն, ընկալում ենք նաեւ իրականացվելիք բարեփոխումների անհրաժեշտությունը: Դա այն ուղին է, որը կարող է հանգեցնել հիմնախնդիրների կարգավորմանը: Եվ այս լավատեսությունը միանգամայն նյութական է, որը ամփոփականորեն ներառված է այն ջանքերով, որը անհրաժեշտ է մեզանից յուրաքանչյուրին: Կրկին անգամ ցանկանում եմ ասել, որ 2017 թվականը կլինի ուժեղ տարի, եւ դրան մենք կհասնենք համատեղ,- հայտարարեց Կվիրիկաշվիլին:

Թանկագին քարեկամներ.



Նոր տարվա ու Սուրբ Ծննդյան տոնների առթիվ իմ բարեմաղթանքներն եմ հղում «Վրաստան» մեր սիրելի թերթի աշխատակիցներին եվ նրա հազարավոր ընթերցողներին: Բարեկամներ, թող 2017-ը ձեր ու ձեր ընտանիքների համար դառնա արտակարգ հաջողությունների ու առաջընթացի տարի, առողջություն, երջանկություն եւ սեր ձեզ բոլորիդ:

Ցանկանում եմ դիմել իմ հայրենակիցներին, Ջավախքի բնակիչներին: Հետեւում մնաց 2016-ը՝ մարտահրավերներով, տնտեսական ու սոցիալական բարդություններով հագեցված տարին: Չնայած բազում դժվարություններին, անցած տարվա ընթացքում նշանակալի առաջընթաց գրանցվեց Ախալքալաքի եւ Նինոծմինդայի շրջաններում: Չխորանալով մանրամասների մեջ՝ ասեմ, որ երկու շրջաններում էլ ավարտին հասցվե-

ցին մի քանի տասնյակ ենթակառուցային նախագծեր, կարգի բերվե-

(Շարունակությունը՝ 2-րդ էջում)

ՆԱՕՏՏ, ԳԻՐՈՐԳԻ ԿՎԻՐԻԿԱՇՎԻԼԻ ԿԱԹՈՐԻԿՈՍԻ ՇՆՈՐՀԱՎՈՐԱԿԱՆ ՈՒՂԵՐԶԸ ՎԻՐԱՅԱՅՈՒԹՅԱՆԸ

Ամանորի եւ Սուրբ Ծննդյան ու Աստվածայայտության հուսառատ տոների առիթով Մայր Աթոռ Սուրբ Էջմիածնից բերում ենք Հայրապետա-

րապետական մեր օրհնությունն ու շնորհավորանքները Վիրահայոց տիրախնամ թեմի եկեղեցականաց դասին, թեմական ու համայնքային վարչության պատվարժան անդամներին եւ հավատավոր մեր զավակներին:

Քրիստոնյա համայն (Շարունակությունը՝ 2-րդ էջում)



«Վրաստան» թերթի խմբագրությանը.

Եզրագիծը հատեց 2016 թվականը: Այն նոր,

ավելի բարձր բնագծերով նշանավորվեց հայ-վրացական միջպետական հարաբերություններում: Երկու երկրների ղեկավարների բարձր մակարդակի պարբերաբար անցկացվող հանդիպումները կանխագծեցին երկկողմ հարաբերությունների ամրացման ու խորացման անշեղությունը: Փոխայցելությունների շրջանակներում, երկու երկրների նախագահների, վարչապետների, խորհրդարանի նախագահների, մի շարք նա-



(Շարունակությունը՝ 2-րդ էջում)

«ՎՐԱՍՏԱՆ» ԹԵՐԹԻ ԽՄԲԱԳՐՈՒԹՅԱՆԸ.

Թանկագին համերկրացիներ.

Ի սրտե շնորհավորում եմ Նոր տարվա՝ 2017 թվականի եւ քրիստոնյաների պայծառ տոնի առթիվ: Թող այն երջանկություն, հաջողություն ու բարօրություն բերի բոլորիդ, ձեր ընտանիքներին եւ համայն Վրաստանին: (Շարունակությունը՝ 2-րդ էջում)





(Սկիզբը՝ 1-ին էջում)

մեր ժողովուրդը այսօր ուխտավորի խոնարհ հոգով իր հայացքն է ուղղում դեպի Փրկչի ծննդյան բթթղեհեմյան մուտքը եւ ուրախակից իմաստուն մոգերին ու երջանիկ հովիվներին, երկրպագուն եւ փառաբանում մարմնացյալ Աստվածորդուն՝ հոգեւոր ցնծությամբ փոխանցելով «Քրիստոս ծնաւ եւ յայտնեցաւ» կենսախինդ ավետիսը:

Տիրոջ ամենագոր աջին ապավինած՝ անցյալ տարի դիմագրվեցինք ապրիլյան պատերազմի փորձությունները, սրտի կսկիծով կրեցինք նահատակ մեր հերոսների կորստյան ցավը, եւ հայրենական մեր կյանքի տագնապներն ու դժվարությունները: Միաժամանակ, հոգու ցնծություն ապրեցինք՝ ազգովի տոնախմբելով մեր երկրի անկախ պետականության 25-րդ տարեդարձը, որը ոչ միայն նոր խրախույս եւ քաջալերանք պարգեւեց մեզ, այլեւ գորացրեց աշխարհասփյուռ մեր ժողովրդի կամքն ու վճռականությունը՝ ավելիով նվիրվելու եւ գործելու վասն հայրենյաց:

Փրկչական 2017 թվականի սեմին Հայրապետիս հորդորն է Վիրահայոց տիրախնամ թեմին հավատավոր մեր զավակներին՝ անխախտ պահելու հավատքն առ Աստված եւ աննվազ սիրով

ջանքեր ներդնելու հանուն Հայաստան ու Արցախ մեր հայրենիքի առաջընթացի, մեր Սուրբ եկեղեցու պայծառության եւ աշխարհասփյուռ մեր ժողովրդի ազգային ու հոգեւոր կյանքի զորացման:

Միաժամաէջ Սուրբ Խորանի առջեւ աղոթում ենք աշխարհի խաղաղության համար՝ հայցելով, որ Խաղաղության իշխանը մարդկանց սրտերից հեռացնի բռնության ու ատելության որոմները եւ սերմանի սիրո ու համերաշխության շնորհները, «զի եղիցին գործք արդարութեան խաղաղութեամբ եւ կալցի արդարութիւն զհանգիստ» (Ես. 32:17):

Թող մարդացյալ Փրկիչը գորավիզ լինի ձեզ, տիրախնամ Վիրահայոց թեմի ուխտապահ եկեղեցականաց դասին, թեմական ու համայնքային վարչությանց բարեջան անդամներին՝ պարգեւելով քաջառողջություն եւ նորանոր հաջողություններ՝ ի փառս Աստծո, ի պայծառություն Տիրախնամ Վիրահայոց թեմի ու Առաքելաշաղկի մեր Սուրբ եկեղեցու:

**ՔՐԻՍՏՈՍ ԾՆԱՒ ԵՒ ՅԱՅՆԵՑԱՒ
ՁԵՁ ԵՒ ՄԵՁ ՄԵԾ ԱՒԵՏԻՍ
Օրհնությամբ՝ ԳԱՐԵԳԻՆ Բ
ՎԱԹՈՂԻԿՈՍ ԱՍԵՆԱՅՆ ՀԱՅՈՑ**

(Սկիզբը՝ 1-ին էջում)

ցին ճանապարհները, վերանորոգվեցին մանկապարտեզներն ու դպրոցները, կարգի բերվեց ջրամատակարարման համակարգը եւ այլն: Հաջորդ տարվա համար էլ ծրագրված են մի շարք նշանակալի նախագծեր:

Այսօր, այս տոնական օրերին էլ, մեր բոլոր ուժերը կենտրոնացրել ենք առատ ծնատեղուններով պայանավորված արտակարգ իրադրության կարգավորման, շրջանների, հատկապես դեպի Թբիլիսի Ծալկայով տանող ճանապարհներին անխափան երթուղիների ապահովման համար: Այս նպատակով մոբիլիզացրել ենք տեխնիկա, այն ապահովել առօրյա 150 տոննա դիզելային վառելանյութով: Մեր գործադրած համատեղ ջանքերը դրական արդյունքներով կպսակվեն, ու մեր մարդիկ առանց արգելակումների կկարողանան ուղեւորվել այդ ճանապարհներով:

Ավելացնեն նաեւ, որ ներկայումս երկրի օրենսդիր մարմնում քանի որ ես ներկայացնում եմ թե՛ Ախալքալաքի եւ թե՛ Նինոծմինդայի բնակիչներին, մոտ ժամանակներում Նինոծմինդայի նման, պատգամավորական բյուրո կբացվի նաեւ Ախալքալաքիում, եւ երկրամասի բոլոր բնակիչներին կընծեմք ինքնավարություն՝ իրենց հուզող հարցերով անմիջականորեն դիմել պատգամավորին եւ առկա հիմնախնդիրներին կոնկրետ լուծում տալ:

Թանկագին բարեկամներ, սիրելի՛ ախալքալաքցիներ ու նինոծմինդացիներ, ի սրտե շորհավորում եմ ձեզ եւ ձեր ընտանիքներին Ամանորի եւ Սուրբ Ծննդյան տոների առթիվ: Թող 2017-ը իր առաջընթացով, ձեռքբերումներով բացառիկ երջանկաբեր, բերքառատ լինի ձեզ համար: Երջանկություն եւ հաջողություն ձեզ ու ձեր ընտանիքներին:

ՀԵՆՁԵՆ ՄՎՈՅԱՆ

**Ախալքալաքիի եւ Նինոծմինդայի ընտրատարածքից
Վրաստանի խորհրդարանի մեծամասնական
պատգամավոր**

(Սկիզբը՝ 1-ին էջում)

Նոր տարին ավանդաբար զուգակցվում է նոր ցանկությունների ու հույսերի հետ: Ուրախության սպասումներով են այն դիմավորում նաեւ Սամցխե-Ջավախեթիում: Կարծում են, որ անցած 2016 թվականը Վրաստանի կառավարության, երկրամասի վարչակազմի եւ մունիցիպալիտետների համատեղ ջանքերով արգասաբեր էր մեր բազմազգ տարածաշրջանի համար: Բազում հիմնախնդիրներ կարողացանք կարգավորել Ախալքալաքիի եւ Նինոծմինդայի մունիցիպալիտետներում, որտեղ նշանակալիորեն բարեկարգվեցին ճանապարհային ենթակառուցվածքը, խմելու ջրի համակարգերը, գործարկվեց բարձրալեռ տարածաշրջանների մասին օրենքը, ինչը որոշակի արտոնություններ սահմանեց մեր բնակիչների համար: Հուսով եմ, որ գալիք՝ 2017 թվականը, այդ առումով էլ ավելի հետաքրքիր եւ դրական իրադարձություններով կլինի հագեցված:

Նոր տարվա առթիվ շնորհավորում եմ նաեւ «Վրաստան» թերթի բոլոր աշխատակիցներին, մաղթում առողջություն, առաջընթաց եւ մասնագիտական հաջողություններ:

Լավագույն ցանկություններով՝

ԱԿԱԿԻ ՄԱՆՈՒՏԱՁԵ

**Սամցխե-Ջավախեթիի երկրամասի
պետական լիազոր-նահանգապետ**

(Սկիզբը՝ 1-ին էջում)

խարարների, գերատեսչությունների ղեկավարների եւ բարձրաստիճան պաշտոնյաների բազմաթիվ ու բովանդակալից հանդիպումները նշանակալի ավանդ ներդրեցին հայ-վրացական բարեկամության պաշտպանությանն ու ամրապնդմանը միտված դարավոր ճանապարհին: Տվյալ պարագայում առանձնակի ողջունելի է այն փաստը, որ անկախ քաղաքական-տնտեսական վեկտորի տարբերվող ուղղության, Հայաստանն ու Վրաստանը պատրաստակամ են առանձին դաշինքների միտվածությամբ պայմանավորված հնարավորությունները ի սպաս դնել մեր երկրների բարօրությանը, փոխհամագործակցության շրջանակների ընդլայնմանը: Հատկանշական է նաեւ այն փաստը, որ Հայաստանն ու Վրաստանը, փաստաթղթով, ձեւակա-նորեն չլինելով ռազմավարական գործընկերներ, իրենց գործունեությամբ, փոխադարձ շահերի ու հետաքրքրությունների հաշվառմամբ, փաստորեն առաջնորդվում են մեր երկու ժողովուրդների դարավոր բարեկամությամբ ու գոյատեւման համատեղ պայքարով ամրակցված հիմնադրությով:

2016-ը նշանվորվեց նաեւ հայ-վրացական մշակութային, հանրակրթական, մարզական կապերի խորացմամբ: Դրա վառ վկայություններն են այն բազում միջոցառումները, որոնք Հայաստանի ու Վրաստանի համապատասխան գերատեսչությունների համատեղ ջանքերով անցկացվել են ինչպես Հայաստանում, այնպես էլ՝ Վրաստանում:

Խոսելով հայ-վրացական միջպետական կապերի, տարբեր ոլորտներում համագործակցության մասին, չեմ կարող առանձնակի չընդգծել այդ կապերի ամրապնդման գործում վիրահայերի ներդրման ավանդը: Թանկագին բարեկամներ, դուք այն ամրապինդ հիմքն եք, որի վրա հուսալիորեն բարձրանում է հայ-վրացական բազմակողմ ու բազմաբնույթ հարաբերությունների վերնաշենքը: Դա ձեր պատմական առաքելությունն է եւ, ի պատիվ ձեզ, իմ պարտքն եմ համարում, ընդգծել, որ դուք, իրոք, գտնվում եք բարձրության վրա ու հիանալի կատարում կապող կամրջի դերը:

Ցանկանում եմ իմ Ամանորյա եւ Սուրբ Ծննդյան բարեմաղթանքները հղել ձեզ, սիրելի վիրահայեր: Արգասաբերություն եմ մաղթում բոլորիդ, սեր, խաղաղություն ձեր բոլորի ընտանիքներում ու երկրում, համերաշխություն, հանդուրժողականություն, մարդասիրության անխաթար, անկանգ ընթացք:

Շնորհավոր Նոր տարի եւ Սուրբ Ծնունդ:

Լավագույն մաղթանքներով՝

ՅՈՒՐԻ ՎԱՐԴԱՆՅԱՆ

Վրաստանում Հայաստանի արտակարգ ու լիազոր դեսպան

Թանկագին բարեկամներ, սիրելի «Վրաստանցիներ».

Ահա միասին ճանապարհեցինք 2016-ը՝ բարդություններով ու առաջընթացով հագեցված տարին: Նոր՝ 2017-ում ցանկանում եմ, որ ձեզանից յուրաքանչյուրը հասնի այն ցանկալիին, որին ձգտում է: Շնորհավոր Նոր տարի ու Սուրբ Ծնունդ, բարեկամներ:

Իսկ մեր «Վրաստան» թերթին մաղթում եմ երկարակեցություն, հետաքրքիր ու բովանդակալի նյութեր, բազում ընթերցողներ...

ՍԱՍՎԵԼ ԱՐԵՎՅԱՆ

Հայ-վրացական գործարարների միության նախագահ



ԽՈՐՀՐԴԱՐԱՆ

**ԱՌԱՋՆԱԶԵՐԹԱՅԻՆԸ ՏԱՐԱԾՔԱՅԱՅԻՆ ԱՄԲՈՂԱԿԱՆՈՒԹՅԱՆ
ՎԵՐԱԿԱՆՔՆՈՒՄՆ ԵՎ ՆԱՏՕ-ԻՆ ՈՒ ԵՎՐԱՄՈՒԹՅԱՆՆ ԱՆԴԱՄԱԿՈՒԹՅՈՒՆԸ**

Դեկտեմբերի 30-ին Վրաստանի խորհրդարանը միահամուռ պաշտպանեց «Վրացական երազանք» խմբակցության կողմից մշակված երկրի արտաքին քաղաքականության մասին հռչակագրի նախագիծը:

Ընդունած որոշման համաձայն, Վրաստանի արտաքին քաղաքականության գերագույն խնդիրը հայտարարվել է երկրի ինքնիշխանության ամրապնդումը, ապառնազավթումն ու խաղաղ ուղիներով երկրի տարածքային ամբողջականության վերականգնումը:

Ոչ այլընտրանքային առաջնահերթություն է հայտարարվել ՆԱՏՕ-ին ու Եվրամիությանը Վրաստանի անդամակցությունը, իսկ երկրի ռազմավարական գլխավոր գործընկերն ու դաշնակիցը՝ Ամերիկայի Միացյալ Նահանգները:

Ընդունված հռչակագիրը պաշտո-

պանում է միջազգային տարբեր ձեւաչափերով Վրաստանի մասնակցությունը միջազգային անվտանգությանն ու կայունությանն ուղղված ռազմական գործողություններում:

Բացի այդ, հռչակագիրը նշում է, որ Վրաստանը, օգտագործելով միջազգային մեխանիզմները, կշարունակի Ռուսաստանի հետ ռազմապաշտպանության անցկացումը՝ ուղղված արտաքին քաղաքական սպառնալիքի նվազեցմանը, երկրի ինքնիշխանության ամրապնդմանն ու տարածաքային ամբողջականության վերականգնմանը:



Վրաստանի արտաքին քաղաքական կարելորագույն առաջնահերթություններից է ճանաչվել աշխարհաքաղաքական դիրքորոշման գործում օգտագործումը, տնտեսական անխափան զարգացումն ու երկրի սահմաններից դուրս բնակվող Վրաստանի քաղաքացիների վերադարձը եւ վերաինտեգրումը հայրենիքում:

**ԸՆԴՈՒՆՎԵՑ ԴՈԼԱՐԻԶԱՑՄԱՆ
ՆՎԱԶԵՑՄԱՆ ԾՐԱԳԻՐԸ**

2017 թվականի հունվարի 1-ից կարգելվի ֆիզիկական անձանց դոլարով հիպոթեքային վարկի համձնումը, իսկ անշարժ գույքի՝ օտարերկրյա տարադրամով գրավադրմամբ, կփոխարինվի համարժեք լարիով:

Դեկտեմբերի 30-ին Վրաստանի խորհրդարանը հաստատեց կառավարության եւ Ազգային բանկի կողմից մշակած օրինամախագծերի փաթեթը՝ ուղղված երկրի էկոնոմիկայի դոլարիզացման մակարդակի նվազեցմանն ու ազգային տարադրամի կուրսի ամրապնդմանը:

Կառավարության ծրագրի համաձայն, մինչեւ 100 հազար լարին հիպոթեքային վարկերը 2017 թվականի հունվարի 1-ից կտրվեն միայն ազգային տարադրամով, իսկ մինչեւ 2015 թվականի հունվարի 1-ը ֆիզիկական անձանց օտարերկրյա տարադրամով տրված հիպոթեքային վարկը համարժեք կփոխարինվի լարիով:

Վարկերի փոխանակման ժամանակ կներկայացվի մի բանկում առանձին վարկատուի հաշվով սուբսիդավորում մինչեւ 100 հազարը, որը կմարի տարադրամի կուրսի տարբերությունը:

Շաբաթից շաբաթ. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՕՐԵՆԱԴԻՐ

ՍԱՀՄԱՆԱԴՐԱԿԱՆ ՀԱՆՁՆԱԺՈՂՈՎԸ ԶԵՌՆԱՄՈՒԽ ԵՐԱՎ ԱՇԽԱՏԱՆՔԻՆ

ՀԱՆՁՆԱԺՈՂՈՎԻ ԿԱԶՄՈՒՄ ԵՆ ՆԱԵՎ ՀԵՆՉԵԼ ՄԿՈՅԱՆՆ ՈՒ ԱՌՆՈՒՎ ՍՏԵՓԱՆՅԱՆԸ

Վրաստանի խորհրդարանի նախագահ Իրակլի Կոբախիձեն ստորագրեց պետական Սահմանադրական հանձնաժողովի նոր կազմի հաստատման հրամանագիրը: Հանձնաժողովի նախագահ է նշանակվել Իրակլի Կոբախիձեն:

Սահմանադրական հանձնաժողովի կազմում կառավարող «Վրացական երազանք» կուսակցությունից ներգրավվել է 23 պատգամավոր, այդ թվում՝ փոխխոսնակ Թամար Չուգոշվիլին եւ խորհրդարանական մեծամասնության ղեկավար Արչիլ Թալալվաձեն: Կառավարող «Վրացական երազանք» կուսակցության կողմից հանձնաժողովի կազմում ներառված են նաեւ խորհրդարանի պատգամավորներ Հենգել Սկոյանը եւ Սալավան Միրզոխը:


Խորհրդարանական փոքրամասնությունից, որը օրենսդիր մարմնում ներկայացված է «Միասնական ազգային շարժում» կուսակցությամբ, հանձնաժողովում կաշխատի 8 անդամ:

«Վրաստանի հայրենասերներ» խմբակցությունից հանձնաժողովում ներառված են երկու պատգամավոր՝ Իրմա Ինաշվի-

լին եւ Նատո Չիսեիձեն:

Սահմանադրական հանձնաժողովի աշխատանքում ներգրավված են նաեւ ոչ խորհրդարանական կուսակցությունների եւ դաշինքների ներկայացուցիչներ, որոնք ընտրությունների ժամանակ հավաքել են ձայների 3 եւ ավելի տոկոսը: Ոչ կառավարական կազմակերպություններից հանձնաժողովում ներգրավվել է «Բազմազգ Վրաստան» կազմակերպության ղեկավար Անուշ Ստեփանյանը: Սահմանադրական հանձնաժողովի նախագահը հանձնաժողովի կազմում ներգրավել են նաեւ երկրի նախագահի վարչակազմի երկու անդամներ:

Ավելացնենք, որ Սահմանադրական հանձնաժողովը սահմանադրության նոր խմբագրությունը ներկայացնելու է մինչեւ 2017 թվականի ապրիլի 30-ը:



ՀԱՏՈՒԿ ՀԱՆՁՆԱԺՈՂՈՎ՝ ՎՐԱՑԱԿԱՆ ԵԿԵՂԵՑՈՒ ԻՆՔՆՈՒԹՅԱՆ ՏԱՐԵԼԻՑԻ ՆՇԱՆԱՎՈՐՄԱՆ ՀԱՄԱՐ

Վրաստանի վարչապետ Գիորգի Կվիրկաշվիլին ղեկտեմբերի 9-ին հանդես եկավ հատուկ հայտարարությամբ, որտեղ նշեց, որ վրաց եկեղեցու ինքնության, Կաթողիկոս-Պատրիարքի գահակալության եւ ծննդյան օրվա նշանավորման նպատակով, ստեղծվում է կառավարական հատուկ հանձնաժողով:

- 2017 թվականին լրանում է Վրաստանի եկեղեցու ինքնության վերականգնման 100-ամյակը եւ նաեւ բոլորի համար հարազատ մարդու՝ մեր Պատրիարքի գահակալության 40-ամյա հոբելյանն ու ծննդյան 85-ամյակը: Ուստի, մենք որոշել ենք հիմնել հատուկ հանձնաժողով, որպեսզի բացառիկ նշենք այդ նշանակալից տարելիցները,- հայտարարեց վարչապետը:

ԼԵՐԻ ԽԱՔԵԼՈՎԸ ՎԵՐԸՆՏՐՎԵՑ ՎՐԱՍՏԱՆԻ ԱՕԿ-Ի ՆԱԽԱԳԱՀ

Վրաստանի Ազգային օլիմպիական կոմիտեի (ԱՕԿ) գործող նախագահ Լերի Խաբելովը եւս չորս տարով վերընտրվել է այդ պաշտոնում:

ԱՕԿ-ի հաշվետու ընտրական նստաշրջանի 135 քվեարկության իրավունք ունեցող պատգամավորից 78-ը պաշտպանել էր Լերի Խաբելովի թեկնածությունը, 57 պատգամավոր գերադասությունը հանձնել էր այդ պաշտոնի հավակնորդ Իրակլի Մեծմարիաշվիլին:

ԱՐՁԱԿՈՒՐՆԵՐԸ՝ ԴԵԿՏԵՄԲԵՐԻ 30-ԻՑ

Վրաստանի հանրային դպրոցներում ծնեռային արձակուրդները կսկսվեն դեկտեմբերի 30-ից: Օրենսդրության համաձայն, ծնեռային արձակուրդները ներառում են դեկտեմբերի 30-ից մինչեւ հունվարի 14-ը ներառյալ ժամանակահատվածը, սակայն, քանի որ 2017 թվականի հունվարի 14-ը շաբաթ օր է, հետեւաբար, դպրոցներում ուսումնական գործընթացը կվերսկսվի երկուշաբթի՝ հունվարի 16-ին:

Ինչ վերաբերում է մասնավոր դպրոցներին, ապա արձակուրդի ժամկետները սահմանվում են իրենք:

ՆԵՐՈՒՄ 175 ԴԱՏԱՊԱՐՏՅԱԼԻ

Վրաստանի նախագահ Գիորգի Մարգվելաշվիլին ներում է շնորհել 175 դատապարտյալի: Այդ մասին դեկտեմբերի 27-ին հայտարարեց Համաճեմման հարցերի հանձնաժողովի նախագահ Ջվիադ Քորիձեն:

Նրա խոսքով, 122 դատապարտյալ ազատագրվեցին վայրերից դուրս կգա անմիջապես, իսկ 53-ի պատժաժամկետները կրճատվել են:

- Ներման արժանացածներից 14-ը կանայք են, նրանցից 12-ն արդեն այսօր կլքեն ազատագրված վայրերը, իսկ երկուսի պատժաժամկետը կրճատված է,- հավելեց Ջվիադ Քորիձեն:

ԵՎՐԱԻՆՏԵԳՐՈՒՄ

ԿԱՌԱՎԱՐՈՒԹՅՈՒՆԸ ԿՀԱՍՏԱՏԻ ԱՅՑԵԳՐԵՐԻ ԱԶԱՏԱԿԱՆԱՑՄԱՆ ԳՈՐԾՈՂՈՒԹՅԱՆ ԾՐԱԳԻՐԸ

Ինչպես հայտարարեց եվրոպական եւ եվրատլանտյան կառույցներին ինտեգրման հարցերով Վրաստանի պետնախարար Վիկտոր Դոլիձեն, մոտ ժամանակներս երկրի կառավարությունը կհաստատի այցեգրերի ազատականացման գործողության ծրագիրը:

Նրա խոսքով, ծրագիրը մանրամասնորեն ներառում է այցեգրերի ազատականացման տեղեկատվական քարտեզաչափ բոլոր միջոցառումները:

- Դա առնչվում է հեռուստատեսու-

թյանն ու հեռուստահովովակներին, ռադիոյին, սոցիալական ցանցին, համացանց հրատարակություններին, կայք-էջերին, այդ թվում՝ թերթերին, մետրոպոլիտենին: Մեծ հույսեր ենք կապում խորհրդարանի

եւ քաղաքացիական հատվածի հետ, քանի որ նշանակալից է նրանց դերը այդ հարցում: Մենք մտադիր ենք քարոզարշավը սկսել դեկտեմբերին, սակայն, դա վաղաժամ համարեցինք, եւ որոշվեց հարցի կարգավորումից հետո միայն սկսել այն: Իսկ հարցի վերջնական կարգավորումը տեղի կունենա հունվարի կեսին,- հայտարարեց Վիկտոր Դոլիձեն:



ԷԿՈՆՈՄԻԿԱ

ԳՈՐԾԱՐԱՐՆԵՐԻՆ ՆԵՐԿԱՅԱՋՐԵՅԻՆ ԿԱՌԱՎԱՐՈՒԹՅԱՆ ՈՐՈՇՈՒՄՆԵՐԸ

Վրաստանի ֆինանսների նախարար Դմիտրի Քուժմաշվիլին հանդիպում ունեցավ երկրի գործարար շրջանների ներկայացուցիչների հետ եւ նրանց ծանոթացրեց կառավարության կողմից ընդունված որոշումները:

Մասնավորապես, ֆինանսների նախարարը բիզնես-հատվածի ներկայացուցիչներին պատմեց տնտեսական զարգացման ուղղված ընթացիկ եւ ծրագրված բարեփոխումների եւ այդ ուղ-

ղությամբ օրենսդրական նախաձեռնությունների մասին: - Մեր խնդիրն է աշխուժացնել էկոնոմիկան եւ այն դարձնել առավել մրցունակ, միաժամանակ՝ նվազեցնել դրա կախվածությունը տա-

րադրամի կուրսի տատանումից,- հայտարարեց նա:

Ֆինանսների նախարարն առանձնակի ուշադրություն հատկացրեց կառավարության չորս կետից կազմված բարեփոխման ծրագրին ու դրա առանձին ուղղություններին:

Դմիտրի Քուժմաշվիլին առնչվեց նաեւ լայնամասշտաբ ենթակառուցային նա-

խագծերին, որոնք զգալիորեն խթանելու են էկոնոմիկայի զարգացումը առանձին տարածաշրջաններում եւ, ընդհանրապես, ողջ Վրաստանում:

- Մեր նպատակն է խրախուսել երկրի տնտեսական զարգացումը, որպեսզի դուք կարողանաք ստեղծել նոր աշխատատեղեր,- ընդգծեց Դմիտրի Քուժմաշվիլին:

ՍՈՑԻԱԼԱԿԱՆ

ԾԱԼԿԱՅՈՒՄ ԲԱՑՎԵՑ ՀԱՍԱՐԱԿԱԿԱՆ ԿԵՆՏՐՈՆ



Կենտրոնի բացմանը մասնակցեցին

Դեկտեմբերի 26-ին Ծալկայում բացվեց երկրի մասշտաբով՝ թվով 44-րդ Հասարակական կենտրոնը: Այն սպասարկումներ կմատուցի ոչ միայն Ծալկայի, այլեւ հարակից գյուղերի բնակիչներին:

արդարադատության նախարար Թեա Ծուլուկիանին, տեղական իշխանության եւ հասարակայնության ներկայացուցիչներ:

Հասարակական կենտրոնը բնակչությանն առաջարկում է սպասարկումների լայն շրջանակ, դյուրացված ընթացակարգերով փաստաթղթերի ստացում, դյուրացված է տեղեկատ-

վական տեխնոլոգիաների եւ արդի ենթակառուցվածքի մատչելիությունը: Հասարակական կենտրոնում տեղակայված են նաեւ բանկերի եւ բջջային օպերատորների մասնաճյուղերը, գործում է անվճար համացանց, հանդիպումների դահլիճ:

Երկրի տարածաշրջաններում գործող Հասարակական կենտրոններում արդեն աշխատում է շուրջ 200 մարդ:

ՎՐԱՍՏԱՆԻ ԲՆԱԿՉՈՒԹՅԱՆ ԷԼԵԿՏՐԱԷՆԵՐԳԻԱՅԻ ՍԱԿԱԳԻՆԸ ԶԻ ԱՎԵԼԱՅՎՈՒՄ

Թբիլիսիում էլեկտրաէներգիայի սպառողական սակագինը մնում է անփոփոխ: Նման որոշում է ընդունել էներգակարգավորման ազգային հանձնաժողովը:

Մասնավորապես, պահպանվել են նախագծում ԹԵԼԱՍԻ-ի կողմից ներկայացված որոշման սպառողական գները: Փոփոխությունն առնչվել է միայն կոմերցիոն հատվածին: Մասնավորապես, միջին լարման էլեկտրաէներգիայի սակագինն ավելացվել է 0,035 թեթրիով, իսկ բարձր լարմանը՝ 0,446 թեթրիով:

Ինչ վերաբերում է տարածաշրջանների էլեկտրա-

էներգիայի սակագներին, ապա այն էլ է մնում անփոփոխ: Փոփոխությունն առնչվում է միայն կոմերցիոն խոշոր ընկերություններին, որոնք օգտագործում են միջին եւ բարձր լարման էլեկտրաէներգիա: Մասնավորապես, միջին լարման էլեկտրաէներգիայի սակագինն ավելացվել է 0,657, իսկ բարձր լար-

մանը՝ 0,001 թեթրիով: Փոփոխությունները հաշվարկված են առանց հավելյալ արժեքի հարկի (ՀԱՀ):

Էներգաբաշխման ազգային հանձնաժողովի կողմից ընդունված սույն որոշումը ուժի մեջ կմտնի 2017 թվականի հունվարի 1-ից եւ կգործի մինչեւ 2017 թվականի դեկտեմբերի 31-ը ներառյալ:

«Վրաստան» թերթի խմբագրությունը

Սիրելի «Վրաստանցիներ», ի սրտե շնորհավորում եմ ձեր Ամանորն ու Սուրբ Ծնունդը: Մաղթում հաջողություններ անձնական կյանքում եւ մեզ՝ վիրահայերիս համար անչափ անհրաժեշտ գործունեության մեջ:

Օգտվելով առիթից՝ ցանկանում եմ ամանորյա իմ բարեմաղթանքները հղել իմ սիրելի միմյանմիմյաններին: Թող երջանակությունն ու առաջընթացը 2017 թվականին ուղեկից լինեն ձեզ ու ձեր ընտանիքներին:



ՍՄՐԱՏ ԿՅՈՒՐԵՂՅԱՆ

Նիմոնմիմյանի մունիցիպալիտետի սակրեբուլոյի նախագահ

Թանկագին բարեկամներ, «Վրաստան» թերթի աշխատակիցներ.



Շնորհավորում եմ ձեզ ու ձեր ընտանիքներին Նոր՝ 2017 թվականի ու Սուրբ Ծննդի առթիվ, մաղթում հաջողություններ ու երջանկություն:

Իմ Ամանորի ու Սուրբ Ծննդյան շնորհավորանքներն եմ հղում եմ նաեւ իմ սիրելի ախալքալացիներին:

Թանկագին բարեկամներ, մենք միասին շատ բան արդեն արել ենք, շատ անելիքներ էլ ունենք: Մեծ ցանկություն ունեմ, որ 2017 թվականը այնքան բերքառատ ու հաջող լինի, որ լուծվեն ձեզ հուզող գլխավոր հիմնախնդիրները, ուրախություն ու երջանկություն թեւածի ձեր ընտանիքներում:

ՀԱՍԼԵՏ ՄՈՎՍԻՍՅԱՆ

Ախալքալաքի մունիցիպալիտետի սակրեբուլոյի նախագահ

Սիրելի՛ հայրենակիցներ.

Մեր համալսարանի անձնակազմի եւ անձամբ իմ անունից ջերմորեն շնորհավորում եմ ձեզ Ամանորի եւ Սուրբ Ծննդյան տոների կապակցությամբ: Թող զալիք՝ 2017 թվականը, բոլորիս համար նշանավորվի որպես խաղաղության, երջանկության եւ արգասաբեր աշխատանքի տարի: Նոր տարին ամենասպասված ու սիրված տոներից մեկն է, եւ տա՛ւ Աստված, որ իրականացնան Նոր տարվա հետ կապված ձեր բոլոր ցանկությունները, հույսերն ու սպասումները: Մաղթում եմ առողջություն, անսահման սեր ու ընտանեկան երջանկություն:



Հարգանքներով եւ բարեմաղթանքներով՝

ՍԱՀԱԿ ՂՈՒՂՈՍՅԱՆ

Տերմոպոլի ԱՏՀ Երեւանյան մասնաճյուղի ղեկավար, տեխ. գիտ. թեկնածու, դոցենտ

ՇՆՈՐՀԱՎՈՐՈՒՄ ԵՆՔ

ԱՄԵՆԱՀԱՐՈՒՄՏՆ ՈՒ ԱՄԵՆԱԾՈՐՆՎԱԾԸ

Մեր սիրելի տիկին Լինա Գեորգիովան բոլորեց իր ութերորդ տասնամյակը:

Մենք՝ գործընկերներս, սրտանց շնորհավորեցինք նրան՝ ցանկանալով երկար տարիների կյանք եւ քաջառողջություն: Շնորհավորանքները շարունակվել են նաեւ տանը: Երկրի տարբեր ծայրերից տիկին Լինային շնորհավորում էին նրա արդեն ճերմակահեր աշակերտները, այժմյան շրջանավարտները, ծնողները, ծանոթները: Իսկ երեկոյան կլոր սեղանի շուրջ հավաքվել էին նրա արդեն ստվարացած ազգականներն ու մտերիմները:

Տիկին Լինան ծնվել է Երեւանում, 1936 թ. դեկտեմբերի 27-ին, ծառայողի ընտանիքում: Նրա երիտասարդ ծնողները 1918-ին եղել են Հայաստանի առաջին անկախության ականատես վկաները:

Թվում էր՝ ամեն ինչ լավ պետք է ընթանար, եթե, սովետական իշխանության կողմից աքսորի ճանապարհը բռնած ականավոր մտավորականների թվում, չհայտնվեր նրա հայրը՝ Հայաստանի Առաջին հանրապետության ժամանակների դաշնակցական գործիչ Հովհաննես Գեորգիովը:

Լինայի մայրը՝ իր ութ ամսական դստրիկին գրկած, լքում է Երեւանը եւ բնակություն հաստատում Վրաստանի Մառնեուլիի շրջանի Շահունյան ավանում: Այստեղ են անցնում Լինայի մանկությունն ու

պատանեկությունը:

Լինա Գեորգիովան սկզբնական կրթությունը ստանում է տեղի միջնակարգ դպրոցում: Այնուհետեւ, ուսումը շարունակում է թբիլիսիի Պուշկինի անվան մանկավարժական ինստիտուտի պատմալեզվագրական ֆակուլտետում: Կեսդարյա մանկավարժական գործունեությունը սկսվում է թբիլիսիի թիվ 74 միջնակարգ դպրոցում՝ որպես հայոց լեզվի եւ գրականության ուսուցչուհի: Եղել է այս դպրոցի ուսումնական մասի վարիչը, ապա նաեւ՝ տնօրենը:

Դպրոցը փակվելուց հետո, նա իր կյանքը կապեց թիվ 104 միջնակարգ դպրոցի հետ: Ունեցել է բազում շրջանավարտներ, այժմ էլ դասավանդում է իր իսկ շրջանավարտների ծոռներին:

Տիկին Լինան ծառայում է մանկավարժի վեհ գործին, ինչը նրան օգնում է ապրել ու պայքարել: **Թբիլիսիի թիվ 104 դպրոցի մանկավարժական կոլեկտիվ, հոգեբարձուների խորհուրդ**



2016-Ի ՁԵՌՔԵՐՈՒՄՆԵՐԸ ԵՎ 2017-Ի ՄՊԱՍԵԼԻՔՆԵՐԸ

Ըստ ավանդույթի, յուրաքանչյուր տարեվերջ ճանապարհում ենք տեսանելի տեղաշարժերով: 2016 թվականն իսկապես բարեհաջող տարի էր մեր դպրոցի համար: Մեր աշակերտները ոչ միայն ակտիվ մասնակիցն էին երկրում տարվող տարբեր օլիմպիադաների, այլեւ՝ հաղթողները: Այսպես, վրաց լեզվի Հանրապետական ազգային օլիմպիադայի հաղթող դարձան տասներկուերորդ դասարանի աշակերտներ Արիս Բազդյանը եւ Աղունի Իսրայելյանը, ով նաեւ հաղթող ճանաչվեց նույն օլիմպիադայի՝ «Ռուսաց լեզու» անվանակարգում: Մեր աշակերտներից շատերը հաղթող դարձան ամենամյա SMART, KINGS եւ ROBINSON օլիմպիադաներում՝ «Անգլերեն», «Վրացերեն» եւ «Մաթեմատիկա» անվանակարգերում: Մասնակցեցին մի շարք մաթագծերի:

Ինչ վերաբերում է նորամուտ 2017-ին, ապա հավաստեմ, որ ուսումնական գործընթացն առավել հետաքրքիր ու բեղմնավոր է լինելու: Դրան նպաստելու են դպրոցի կողմից ձեռք բերված արդյեկտորները, որոնք համակարգիչների հետ միասին արդեն տեղադրված են 7-12-րդ դասա-

րաններում: Իսկ հունվարին դպրոցը ձեռք կբերի եւս հինգ արդյեկտոր եւ համակարգիչ: Փորձում ենք բարելավել նաեւ դպրոցի ենթակառուցվածքը:

2017-ը դպրոցի համար հոբելյանական է: Նշում ենք թիվ 104 դպրոցի 80-ամյակը: Թեեւ անցած տարվանից հիմնեցինք դպրոցի ծննդյան օր ավանդույթը եւս: Այս ամենն, անշուշտ, հնարավոր չէ առանց դպրոցի մանկավարժական, աշակերտական ու ծնողական միահամուռ եւ կուռ ուժ ու ջանքերի:

Ուստի, շնորհավորելով Ամանորն ու Սուրբ Ծնունդը, մաղթում եմ եռանդ, տոկունություն, առողջություն, ուսումնառատություն մեր մանկավարժներին: Ուրախ ու երջանիկ տոնական օրեր բոլորիս:

ԻՐԻՆԱ ԺԱՍԿՈՂՅԱՆ

Թբիլիսիի թիվ 104 հանրային դպրոցի տնօրեն



կի, եւս մեկ նորությամբ կիսվեմ, որն արդեն հավանաբար նկատել է սիրելի հանդիսատեսս, միաբերեցի ամբողջ 30կգ-ով: Ի դեպ, այդ էլ ասեմ, որ Ելենայի հետ մեր ծանոթությունը մինչ այդ էր...

Ինչ վերաբերում է զալիք՝ 2017 թվականին, ապա թվի կենտրոնումն ինձ երեւի այժմ ավելի է ուրախացնում: Հույս եմ փայփայում, որ այդ կենտրոնումը նորաստեղծ երկանդան ընտանիքիս կբերի երրորդ անդամին՝ մեր փոքրիկին: Տա՛ւ Աստված, 2017-ը դառնա ծնունդների, լիության ու... նորագունների տարի, եւ դրանցից առաջինը առնչվի աղանջանական իմ հարազատ օրրանին, վերջապես նորոգված տեսնենք թատրոնի մեր շենքը: Շնորհավոր Ամանոր եւ Սուրբ Ծնունդ:

Սերգեյ Սաֆարյան

Թբիլիսիի Պ.Աղանյանի անվան պետական մանկավարժական թատրոնի դերասան

մերզային ծրագրերում միանշանակ մասնակցելու եմ: Արդեն հայտնի է, որ 2017 թվականին, Հայաստանի մշակույթի եւ սփյուռքի նախարարությունների համատեղ նախաձեռնությամբ եւ նվիրված Հայոց ցեղասպանության օրվան, ստեղծվում է համահայկական միջազգային, որտեղ ընդգրկված են լինելու աշխարհասփյուռ հայ կատարողներ, այդ թվում եւ մեծ սիրով՝ եւ: Այս ամենը, բնականաբար, հնարավոր չէ իրականացնել առանց ընտանիքիս ու մերձավորներիս աջակցության: Ես նրանց ու բոլորիս առողջություն եմ մաղթում եւ նպատակի իրագործման արդար ճանապարհներ: Շնորհավոր Ամանոր եւ Սուրբ Ծնունդ:



Ստելլա Մկրտչյան

Թբիլիսիի Վ.Սարաջիշվիլու անվան պետական կոնսերվատորիայի մագիստրատուրայի ուսանող, ջութակահարուհի

ՄՐԱՄԻՏ ՈՒ ԽՈՐԱԹԱՓԱՆՑ ՄՐԲՈՒՅԻՆ

Վերջին ժամանակներում կրթության նախարարությունը մեծ ուշադրություն է դարձնում անգլերենի ուսուցմանը, ավելացվել է ժամերի քանակը, անցկացվում են մրցույթներ, օլիմպիադաներ: Եվ պատահական չէ «kings» աշակերտական անկախ օլիմպիադայի անցկացումը: Մրցույթին մասնակցեց եւ դուրս եկավ եզրափակիչ Ախալցխայի շրջանի Ծղալթեբիլայի հանրային դպրոցի աշակերտուհի Սրբուհի Դուրգալյանը (ուսուցչուհի՝ Մարիամ Մովսեսյան): Աղջնակը մասնակցեց նաեւ մաթեմատիկայի եւ vunderkings-ի օլիմպիադաներին՝ հասավ եզրափակիչ արժանացավ դիպլոմի: Նշենք, որ Սրբուհին արդեն մի քանի տարի մասնակցում է հանրապետական օլիմպիադաների ու մրցույթների: Մասնավորապես, անցյալ տարի մաթեմատիկայից ու անգլերենից անցկացված օլիմպիադաներին նա կարողացավ հասնել եզրափակիչ փուլ՝ ճանաչվելով սրամիտ, թափանցիկ միտք ունեցող (გაძვირდაბი) սանուհի:

Հաջողություն մաղթենք աղջնակին, որ առաջիկայում եւս բազում հաղթանակներ ունենա մրցումներում եւ բարձր պահի իր դպրոցի պատիվը: Հուսամք, որ այսպիսի մրցույթները կունենան շարունակական բնույթ, որը դրական իմպուլս կհաղորդի ուսուցման ընթացքին:

